



Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Litteræ P. Virgilij Ceparij Societatis Iesv Ad Reuerendos Patres Fratresque
Flandro-Belgas eiusdem Societatis, quibus mentem suam explicat,
Operisque argumentum.

[urn:nbn:de:hbz:466:1-46083](https://nbn-resolving.de/urn:nbn:de:hbz:466:1-46083)

LITTERÆ
P. VIRGILII CEPARII
SOCIETATIS IESV
AD
REV^{OS} PATRES FRATRESQ.
FLANDRO-BELGAS
EIVSDEM SOCIETATIS
QVIBVS
MENTEM SVAM EXPLICAT
OPERISQ. ARGUMENTVM.

PLACVIT *Divine Maie-*
stati, Patres Fratresque in
Christo, eripere nobis, sibiique
vindicare è Collegio Romano
anno M. DC. XXI. vestrum, nostrumque, piæ
felicissq; memoriae Fratrem, Ioannem Berch-
mannum, in quem reuerà quadrare pos-
sunt illa Sapientis verba : Placens Deo
factus
Sap. 4.

factus est dilectus , & viens inter pec-
catores translatus est. consummatus in
breui expleuit tempora multa ; placita
enim erat Deo anima illius . Etenim
breui illo ætatis viginti duorum anno-
rum (et) dimidijs spatio (è quibus quinque
non integros in Societate vixit) ad eum at-
tigerat perfectionis terminum , vt in pud-
bundam quamdam mœstitudinem sanctamque
emulationem exstimalaret etiam seniores
qui eum intuebantur Patres ; iuniores vero
& sodales , qui eo & familiariter vteban-
tur , & rara illa virtutum omnium exem-
pla , que omnibus exhibebat , tamque accu-
ratam , disciplinæ , quâ viuebat , obseruan-
tiam animaduertebant , ad religionem imita-
tionemque excitaret . Primi illi surculi cre-
scantis adolescentia argumēto esse poterant ,
qualis futurus esset splendor ac claritudo
ætatis perfectæ , quantamque promitteret
fructuum vberatem felix illa animi plan-
ta , iam tum tot odoratissimis virtutum flo-
ribus

ribus referta , pulcherrimèque adornata.
Hac re, communis nobis omnibus fuit illius
molestiae sensus, quam attulit mors eius im-
prouisa , cùm illum quasi inopinatò oculis
nostris eripi vidimus , sancta eius suauissi-
maque consuetudine perpetuum orbati. Ne
verò iniuriā temporum excideret Angelici
huius adolescentis memoria, qui tanto inter
nos exemplo atque approbatione vixerat,
utque beneficio posteritatis extaret in So-
cietate rerum ab eo laudabiliter gestarum
notitia; R^{dus} Adm. P. Mutius Vitellescus
Ordinis nostri Præpositus Generalis, mihi
in mandatis dedit, isthinc è Flandro-Belgio
ut peterem necessarias instructiones; hic
verò eas conquirerem, inque Vitæ histo-
riam conflarem. Comparatis omnibus hanc
in rem necessarijs , ad scribendum aggressus
sum, intereà dum Collegio præfessem Rector:
at mox animaduerso, fieri omnino non posse,
ut tot simul par essem administrandi mune-
ris negotijs , simulque inuigilarem historiæ
scriben-

scribendæ , cœptum opus in tempus aliud,
locumque maioris quietis, distuli absoluendū. Jam, quando post alios prætereat labores, hunc etiam diuinā ope exhausi, ad vos, quibus meritò debetur, mitto: quippe inter quos, eadem patria adolescens ille natus est, atque à vobis Romam ad Philosophiæ Theologiaeque studia, in hanc Societatis Academiam allegatus. Narratio breuis erit, ut breuis quoque ætatis illius fuit cursus: stylus, pro more meo, simplex, naturalis, omnis artificij expers. Nemo umquam dubitare de historiæ veritate poterit, cum centeni centenique etiamnum viuant, qui viuum cognouere: qui vero in Belgio & Rome familiariter eo usi sunt, res eius ita habent exploratas, ut semper, quoties usus erit, certissimum ei testimonium sint daturi. Præterquam quod ego, qui unam Dei gloriam, honoremque fidelis eius serui Ioannis propositum habeo, grauissimum ducerem læse diuine Maiestatis crimen, si vel tantum

tillum

tillūm à vero recederem ; cùm sciam amplificationibus celebrationibusque nostris Deo opus non esse , ut mirabilis ac glriosus appareat in seruis suis.

Tripartitò diuido hanc narrationem . Priore parte describo eam quam in Flandro-Belgio duxit vitam , ab incunabulis exorsus ad usque Tyrocinij finem . Alterā , complector id omne tempus , quod à suo è Belgis discessu studijs impendit in Collegio Romano , usque ad ultimum eius morbum . atque hic intelligetur , quemadmodum non solum tenuerit constanter cœptam illam in Belgio vitæ laudatissimæ rationem , verum etiam auxerit deinde , magnis quæ virtutum quæ sanctitatis perfectionisque incrementis . Tertia pars continebit morbum eius ac mortem , quam minutatim descripsi , ut vobis præcipue , qui eum dilexistis , placerem ; sciens id esse amantium , ex 2.2. qu. 28. S. Thomæ Angelici Doctoris sententiâ , non art. 2. acquiescere leui aliquâ cognitione , sed perfectâ

fecta rerum omnium scientia, quae spectant ad amatum, instrui velle: eaque re, narro etiam minima quae in dies, in horas, adeoque in momenta ferè singula contigere. Ad calcem subiungam res nonnullas litteris ab eo commendatas, quae, instar quartæ cuiusdam historiæ partis, nec ingratæ nec inutiles erunt, uti spero, adolescentibus nostris.

Quæcumque priore Parte narrantur, summâ isthic fide collecta sunt à P. Antonio Sucquetio, per id tempus Præposito Provinciali, & à P. Guilielmo Bauters, tum Rectore Collegij Louaniensis: quorum uterque, anno uno singuli, eius fuere in Tyrcinio Magistri, quique præter earum rerum scientiam quam haurire potuere conscientiam eius tractando, amplius etiam hominum fide dignorum testimonia collegerunt. Res in Collegio Romano gestæ, præterquam quod propriâ mihi scientiâ exploratæ sint, utpote qui præsens eas, aut ab ipsomet in tabellis complicatis scriptas (in quibus ad-

* *

mira-

mirabili diligentia, diebus singulis, aetus
factaque sua adnotabat) repererim, aut a
Patribus Fratribusque Collegij scriptas ac-
ceperim: quorum multi iam, etiam iurato
testimonio, Romae, apud sacros Quæstores
de eius sanctimoniam miraculisque Grego-
rij XV. mandato cognoscentes, eas affir-
marunt.

Non erit hæc historia referta prodigijs,
visionibus, vaticinijs, prædictionibus, que
vulgò populum attonitum suspendunt; quia
Superiorum obsequentia in præsens eas res
prætermitto. Neque etiam speabitur in
illo insolita virtuæ asperitas, sed aetus solum-
modo perfectarum virtutum, quos quilibet
imitari possit. Atque hi, a sapientioribus Re-
ligiosorum Ordinum cultoribus, tantò habe-
buntur admirabiores, quantò difficilius
opere ipso exprimuntur; ut benè obserua-
tum Scriptori Vitæ B. Laurentij Justinia-
ni: qui cum de eo narrasset, quemadmodum
Sanctus ille vir voluntarie sitis patientia
se

sese cruciasset; acerbum perpetuò frigus tole-
rasset, ad ignem numquam accedendo pro-
piùs; numquam ingrediendo hortum, aëris
se purioris haustu recreasset; assiduè rectus
stetisset in Choro, nullâ re vñquam nixus;
haec verba adiungit: Videbuntur inexper-
tis hæ res exigua mereri admirationem;
sed vos ô præclari Pugiles Christi, qui
quotidie facitis experimentum, iudicabitis
profectò, facto quām dicto eas esse admira-
biliores. Certè Ludouicus Blofius, assen-
tiente sibi grauium Scriptorum turbâ, di-
cere non veretur; Illum Deo longè facere
gratiūs, qui, minimis licet in rebus, sui ipsius
domitor euadit ac viator, quām qui multos
in vitam reuocat mortuos. Ac quando semel
de minimis rebus incidit mentio, videor non
abs re hic illud præmonitus, à multis vi-
tio mihi versum iri, me in hanc historiam
contulisse res actusve nimium tenues, aut
nimis etiam Societati toti vulgares: perin-
de atque id sit aduersus decorum peccasse,

Julius Fa-
tius de
Mortif.

Iacobus
Alu.t.2.l.2.
p.1.c.16.

Iul. Nigro-
nius tract.

de Curâ
minimo-

in historiæ grauitatem, præceptaque profanorum Auctorum. At eam ego censuram neque à sacris Scriptoribus, qui de vsu ipso tractatione que scribunt, neque à spirituallium rerum Magistris reformido. Si Ioannes in magnam peruenisset ætatem, grauiaque munera administraffet, referrē vtique, qualem se ijs cum virtute perficiendis præstisset: at quoniam in ipsā adolescentiā est extinctus, omniq[ue] ferè vitæ tempore latuit abditus intra Religiose domus parientes, sibi vni intentus, & communem nobiscum ducens vitam; non possum de eo nisi illos quos apud nos virtutum perfectionisque actus exercuit, commemorare, qui que illam ætatem ac status sui conditionem uidebant; neque aliud existimo ab Historiæ scriptore desiderari.

Non erant apta puerilibus Pastorculi Davidis humeris ingentia Saulis Regis arma, impediebant potius ne bello habilis esset, quam tutum eum promptumque præstarent:

rent: quare pedes, & instructus pastorali
fundâ stravit gigantem armatum; magisque
illius nudi virtus, quam Saulis armis tecti
(quem validus atque ad iussa promptus
circumstabat exercitus) commendata iacta-
tio fuit. Sacrae Litteræ depingentes mulie-
rem fortē, non eam faciunt exercituum
duōtricem, aut Herculeorum domitricem
monstrorum; sed committunt eius manibus
linum & lanam, colum ac fusum: res nempe
tractabiles nationi feminarum, ut sunt fila,
nendique certamen. Atque etiam si non aliud
fecisse referatur, quam digitos adhibuisse
filo, & colui manum; affirmant nihilominus
rebus magnis manum admouisse, cùm aiunt:
Mānum suam misit ad fortia. Hoc ip-
sum nimirum quod nostrâ sententiâ vile
adèò est opus, à Spiritu sancto estimatur
magnanimum illud facinus, quo uno cele-
brat mulierem fortē, ait que nullam eius
meritis dignam esse mercedem: Procul &
de vltimis finibus pretium eius.

*** 3

Quo-

Quomodo igitur non æstimabimus nos, si
adolescens aliquis tyro, aut studiorum Socie-
tatis alumnus, pro magno ducat ea quæ ad
Tyrocinium aut studia pertinent, magnâ
exequi curâ ac perfectione? Quis audebit ut
minimos actus vilipendere, quos Deus æter-
næ gloriæ pretio compensatos, subinde etiam
prodigiorum indicio gratissimos sibi esse de-
monstrat? Quæ vilioris pretij res, quam
aquaæ scyphum præbere? promittit tamen
Deus immensam mercedem illi qui sui amo-
re vel aquæ scyphum erogarit. Quid leuius,
atque mensarum micas manu colligere? sci-
mus tamen ingentis miraculi approbatione
gratissimum Deo id factum accidisse, qui
viles illas miculas vertit in pretiosissimas
margaritas, quibus sacer templo calix ad
æternam memoriam deinde adornatus fuit.

Sed ut omittam cetera, adducor tamen
exemplo Scriptorum veterum, qui Sancto-
rum hominum vitas prodidere: quibus nihil
antiquius fuit quam res quoque eorum mi-
nimæ

Surius in
Vitâ Odi-
lonis, 28.
Nou.

nimas persequi stylo. Nesciremus profecto
hoc tempore, notatum olim fuisse Abbatem
Arsenium, quod inter sedendum, pedem
vnum alteri imposuisset; eaque de re Mo-
nachos anxiè ad concilium retulisse, quo po-
tissimum modo eam viri culpam emenda-
rent: ignoraremus, quam grauiter adolescens
sanctus Dositheus à Magistro suo beato Do-
rotheo reprehensus, ob indicatum affectum
aliquem amoris cultello cuidam affixum,
quando Superioribus suis dixit; videri sibi
cultellum illum, quia acutus esset, idoneum
maxime nosocomio fore, ad secundum agro-
rum panem: fugerent nos denique res multæ
similes, nisi historiarum Scriptores eas com-
memorassent. Ego autem in eo me esse Reli-
giose Ordine intelligo, in quo (quæ Dei gra-
tia est) res paruae, seu in bonum seu in ma-
lam, magni ducuntur, ut absoluti perfecti-
que Religiosi efficiantur. Et S. Ignatius, Au-
tor Ordinis nostri, tanti res etiam exigua-
fecit, ut in Modestiae regulis certa det pre-
cepta,

* * 4

cepta,

cepta, quemadmodum nos deceat tenere aut
mouere caput, frontem, oculos; nāsum, labia,
manus, pedes, vestem denique, totumq̄e
corporis habitum moderari. ad quās mi-
nutissimas res descendunt Viri sancti, vt
hominem faciant omnibus numeris per-
fectum.

Liceat mihi ad extremum referre rem
quā & nostris erit consolacioni, & certius
mentem meam confirmabit. Dositheus iam
semel dictus, adolescens domi nobilis, insigni
oris specie, tenerā corporis constitutione,
lautē delicioseque educatus, cōperat langui-
dis se dare voluptatibus, & vitam in sæ-
culo projcere ad licentiam: sed visā aliquan-
do pīctā in pariete Inferorum imagine, ne-
scius quid ea portenderet, cūm ad id tempo-
ris, neque Dei verbum audiūisset, neque
vllā fidei cognitione esset imbutus, sed pror-
sus rerum omnium diuinarum ignarus; mi-
raculo etiam edocitus est pœnas illas quas
post mortem damnati luunt. Eā re conster-
natus,

natus, in Monasterium salutis se causâ contulit; traditusque beato Dorotheo in discipulum, ad insignis obedientiae simplicitatisque formam ab eo eruditus fuit. Quinto circiter anno sanguinem spuere cœpit; & iam extremo vita periculo proximus, cum à Barsanufio Abate benedictionem, vitaque missionem petijisset, is ei respondit: Vade fili & siste te Sanctissimæ Trinitati, & Deum pro nobis deprecare. Quibus verbis qui aderant Monachi non modo perculsi, verum etiam offensi, inter se dicere: Hæc cine verba sunt quibus idoneè iuuenis aliquis confirmandus erat, qui vix quinquennio nobiscum vixit, antea que licentissimam vitam in sæculo egit? Deinde, quid, amabò, præclarè adeò inter nos gessit, quo fretus recta ad Sanctissimam Trinitatem tendere audeat, pro nobis oratus? Numquam ille in eam, ut nonnulli nostrum, in biduum extraxit. Non solitus est extra ordinem vigilare, quin imò nec pri-

* * 5 mus

mus vulgo ad precandi officium conuenire.
Non fuit mirifice, quantum alij, in commen-
tationum studio deditus : si sorbiti uncula
aut pisces ægro apponebantur, ijs vesceba-
tur: quomodo igitur pro nobis oraturus pro-
ficietur? Attamen quamprimum spiritum
exhalauit, Deus, ut merita eius illustraret,
Monachorumque illorum fastidium depri-
meret, videndum illum obtulit sancto cui-
dam eius loci seni, gloriosum, beatum, aqua-
lemque splendore sanctissimis illius Mona-
sterij Anachoretis vitâ funetis, in eorum
cœtu pari gloriae gradu confidentem. Intel-
lexerunt denique Monachi admoniti erroris
sui, tantorum meritorum caussam fuisse,
quod obedientiae studio inuiditus, nihil um-
quam fecisset arbitrio suo, sed assidue mo-
rem gessisset Magistro suo Dorotheo, quem
Dei scilicet loco duxisset; etiam si cetera ne-
que asperitatibus, neque orationibus, neque
vigilijs insolentioribus sese afflietasset.

Aio igitur in rem nostram : Ioannes non
denius,

deuius, sed rectam viam insistens, adolescen-
tulus Societatem ingressus est: in qua
vixit annis quinque ut Dositheus, mor-
tuusque est non sine sanctitatis famâ. Pla-
cuit Deo, post mortem, visis miraculisque
(ut post referetur) gloriam quam in cælo
nactus est, ostendere, atque his etiam in ter-
ris celebrare: quæ res nobis senibus, qui vi-
tam ætatemque in Religiosa familiâ con-
sumpsimus, admirationem parit. Si caussam
investigamus, cur Deo placuerit hoc modo
illius gloriam propagare, qui numquam
(quod nos quidem sciamus) pœnis ullis,
orationibus, operibusque extraordinarijs
ceteros superauit; necesse est hanc esse cauf-
sam pronuntiemus, quòd communi in vi-
tâ legum omnium mandatorumque fuerit
seruantissimus, volueritque Deus hoc in-
dicio communem vitam nostram mirificè
approbare. Vnde & tria ista conficio: Pri-
mum; magnam esse illam Instituti nostri glo-
riam, de quo dici possit, per se, si ritè ser-
uetur,

uetur, sufficere, ut hominem adducat ad fastigium sanctitatis, faciatque participem gloriae Dei, re nulla extraordinaria accersit. Alterum; magnam esse felicitatem nostram, qui in ea Religione vivimus, cuius solius legibus, communique tuendam disciplinam in viros sanctos euadere possimus. Tertium; si via ad Sanctimoniam indiscendam, est communis illa vitae legumque perfecta obseruatio, qualis in Joanne enuit, prorsus esse est re nostram, scire minutatim quo ille modo eam tenuerit, ut certius imitari queamus. Has ob res existimauimus, est gloriam Dei, laudeque præstantissimi huius Adolescentis, ac bono hominum Societatis nostrae facturum, si historie huic minimos etiam eius actus insereremus. atque ut ego id sciens prudensque mente optimam feci, ita Deo probatum iri spero, facturumque compotem fructus in hac vita, et in altera premij, per suam erga me miserationem.

Acci-

Accipiant R.R. V.V. hoc quantulum-
cumque laboris, in signum ac tesseram ob-
seruantie atque amoris in se mei, Deum-
que mihi propitient sacrificijs & pre-
cibus suis. Romæ Idibus Augusti,

M. D. C. XXI V.



A P-